

Naed Cawbauj Gungqsou

□ Bungz Cidaz soucomz cingileix Ouh Caijfangh hoiz

Gaxgonq miz daegmbauq simsoh caemhcaiq lauxsaed ndeu, heuhguh Daegmauj. Mehlaeng de doiq de mbouj ndei, gwn daenj mbouj beij bouxwnq, de gig roengzrengz doeg-saw, vunz ndaw mbanj byawz miz maz saeh, de hix caenhrengz bae bang.

Ngoenz ndeu, Daegmauj aeu fwnz dauqma, youq henz loh sawqmwh ndaejdingq gij sing yiengj “gwh—gwh—”. De baez yawj, yienzlaiz dwg duz gungqsou ndeu deng ndaek rin hung nap lo. De geuh ndaek rin bae, gouq ok duz gungqsou. Gungqsou ga ndeu deng nap bej lo, in ndaej lae raemxda, lij youq gizhaenx gyangz mbouj dingz, cojgvaq dangqmaz. Daegmauj naeuz: “Gungqsou, gungq-sou, mwngz gaej daej, gou yw ndei gij sieng mwngz.” Gangj sat, de couh dawz duz gungqsou cuengq hauej ndaw daehvaq daiq ma ranz. De laebdaeb geij ngoenz hawj gungqsou oep ywdoj, dauqdaej yw duz gungqsou neix ndei lo. Daegmauj moix ngoenz bae hag roxnaeuz aeu fwnz maranz, cungj gaeb non lix daeuj gueng gungqsou. Gyanghwnz seiz, duz gungqsou couh maeuq youq henz daiz, gaeb gwn duznyungz, hawj Daegmauj ndaej anyienz youq laj daeng doegsaw. Daj neix hwnj, gungqsou caeuq Daegmauj couh gapbaenz le laux-

doengz, Daegmauj heuh gungqsou guh daegnuengx, gungqsou heuh Daegmauj guh daegbeix.

Ronghndwen luenz le youh benj, benj le youh luenz, mbawfaex loenq le youh maj, maj le youh loenq. Yaepyet, Daegmauj mbouj rox mbouj nyinh hix doeg ndaej geij bi saw lo. Bineix, de yaek bae gingsingz camgya gaujsi. Hwnjroen gaxgonq, Daegmauj gig sij mbouj ndaej caeuq gungqsou swz naeuz: “Daegnuengx gungqsou, gou couh yaek hwnjroen lo, gou bae le, mbouj ndaej goq mwngz, mwngz aeu gag youq ranz lo, caj gou dauqma caiq doxcomz ba!” Duz gungqsou hix da nding naeuz: “Muengh mwngz youq gwnz loh bingzan, gauj ndaej hwnj le caeuxdi dauqma!” Gangj sat, de daj gyangbak haiz ok naed caw rongh-sagsag ndeu, soengq hawj Daegmauj: “Daegbeix, gou mbouj miz gim ngaenz hawj mwngz guh cienzroen, mwngz couh daiq naed cawbauj neix youq gwnz ndang. Naed cawbauj neix ndaej gouq mingh hix ndaej hoh ndang, dijbauj dangqmaz, gou cungj mbouj sij ndaej yungh, mwngz ciengeiz mbouj ndaej dawz doek bae bw!” Daegmauj ngaekngaek gyauej.

Daegmauj byaij le 30 leix loh, youq gwnz Bocazyouz raen miz duz romh he ninz youq henz loh, lumj

ngamq dai bae mbouj geij nanz. Daegmauj gig cojgvaq de, siengj daengz gij vah gungqsou, couh dawz naed cawbauj cuengq youq gwnz ndang duzromh bae. Yaep he, duz-romh couh menhmenh singj gvaqdaeuj lo, ciepdwk de mbehai doiq fwed, mbin hwnj gwnzmbwn bae, youq dingj gyauej Daegmauj mbin bae mbin dauq, gyo’mbaiq Daegmauj.

Daegmauj byaij gvaq aen geng raez miz saek 90 leix, youq laj gofaex ndeu, raen miz gyoengq doq ndeu ninz youq gwnznamh. De byaij gyawj baez yawj, gyoengqde cungj dai caez lo. Daegmauj cojgvaq gyoengqde, youh dawz naed cawbauj cuengq youq gyang gyoengq doq bae. Gvaq yaep ndeu, gyoengq doq cungj lix gvaq-daeuj lo, humx Daegmauj mbinfwfw.

Daegmauj youh laebdaeb coh naj byaij miz saek 81 leix loh, bungz duzngwz hau ndeu dai le vang youq gyauej giuz, de youh simndei dawz naed cawbauj okdaeuj gouq duzngwz neix.

Daegmauj byaij ha byaij, itloh gouq le duzmoed, duzroegenq caeuq duzsaehaexma daengj doenghduz.

Ngoenz ndeu banhaemh, Daegmauj hauej aen diemqhek ndeu bae doz, ngamq gwn caeuz gvaq, sawqmwh ranznden cienz daeuj gij sing daej-

ngu’ngu. De couh cam bouxcawjranz: “Daxsimj ha, ranznden ok maz saeh la?” Mehsimj han naeuz: “Ranznden miz lwg dog ndeu heuhguh Daegdog, nienzgeij caeuq mwngz ca mbouj geijlai, de baenz binghgap dai bae lo.” Daegmauj dingq le gaenjgip bae daengz ranz haenx, dawz ok naed cawbauj cuengq youq najaek Daegdog. Mbouj daengz aen cungdaeuz, Daegdog couh menhmenh dauqndiu lo. Ranz Daegdog sing daej bienq-baenz sing riu, daengx ranz vunz cungj gyo’mbaiq Daegmauj dwg vunzaen. Bohmeh Daegdog mbouj rox baenz-lawz bauqdap Daegmauj, couh louz Daegmauj youq ndawranz youq geij ngoenz, moix ngoenz gaj gaeq gaj bit dakdaih, caemhcaiq heuh Daegdog caeuq Daegmauj gapbaenz lauxdoengz.

Daegdog ndaej naed cawbauj gouq dauq, bingh hix ndei lo. Ngoenzneix, de yaek bae rog guh-caemz. Daegmauj naeuz: “Laux-doengz, raeuz doxcaez bae gingsingz gaujsi ba!” Daegdog mbouj han, de mbouj siengj bae gaujsi. Ndawsim de dan naemj: Hei, lij dwg naed cawbauj lauxdoengz ndei! Danghnaeuz aeu gvaqdaeuj, bae gingsingz soengq hawj vuengzdaeuj, mbouj rox beij gauj ndaej canghyienz ndei geijlai!

(caengz sat)

Aulungzgveiz sawqmwh daengx fwngz roengzdaeuj, cienq gyauej yawj gou.

Gou foengx ndaej doiqdauc yamq ndeu, lau de heuh gou bang de gaem diuz rieng duzngwz roxnaeuz guh gijwnq.

“Mwngz gamj mbouj gamj ndwnj mbei duzngwz?” De dawz benqbohliz hamz youq bak roengzdaeuj, gig nyinhcaen cam gou.

“Gaej gangjriu! Aulungzgveiz.” Gou rox de ciengzseiz gangjriu hwk bang lwgnyez dou.

“Byawz caeuq mwngz gangjriu?” De baenq gyauej dauqbae yaek mbon giz dungx duzngwz. Gou yawjraen naed giuz iq saekloeg deng de aeu benqbohliz gvej roengzdaeuj, lwgfwnz nep danq: “Mbei duzngwz, gij huq ndei ne!”

“Ai, gou mbouj gwn!” Gou gig lau, gwq vad fwngz dwddwd.

“Lwgnyez ngawz ndeu!” De yaek oet aen mbei duzngwz hauej ndaw bak gou, hwk ndaej gou ca mbouj geijlai vut aen lamz ndaw fwngz couh buetdeuz lo.

Aulungzgveiz riuriu, suk fwngz dauqbae, coq hauej ndaw bak bonj-

·Sawcuenhvaez Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

faenh, aen hoz baez ngiengx, aen bak baez haep, lumj ndwnj gaemz myaiz he nei, aen mbei duzngwz saekloeg haenx couh deng de ndwnj hauej ndaw dungx bae lo.

Duzngwz deng venj youq gwnz ngafaex, de deng bok le gaet naeng lij niujgoz bibuengq dwk.

Gou ngawh ndwn youq gizde, yaek rieg okdaeuj lo.

“Mbei duzngwz dwg gij huq ndei, danghnaeuz dwg bouxwnq, gou lij sij mbouj ndaej hawj de gwn ne!” Aulungzgveiz raen gou deng hwk ndaej naj haunyo, doq riu dwk nai gou:

“Gaej lau, mwngz mbouj gamj gwn, gou couh gag gwn, gij ndeicawq mbei duzngwz lai raeuh! Lai gwn le seizhah couh mbouj rox hwnj baez hwnj bitfiengj, caemhcaiq doiq gij lwgda gig ndei, mwngz gwn ndaej bak

aen mbei duzngwz le, couh ndaej youq ndaw laep yawjraen doxgaiq, cehda lij rox fat gij rongh saekheu.”

“Dahraix?” Gou da daengx cim-yawj de.

De laebdaeb bok naeng ngwz lumj duet mad nei, duzngwz mongraiz menhmenh bienqbaenz le diuz noh hau, naeng ngwz cungj deng bok roengzdaeuj seiz, ngwz lij loh nodniuj, ndik lwed hoengzfwg he swnh rieng lae roengzdaeuj.

Aulungzgveiz venj naeng ngwz youq gwnz nga, duzngwz menhmenh mbouj ning lo, doeklaeng Aulungzgveiz dawz de roengzdaeuj, doiq gou riu naeuz:

“Haemhneix gou miz byaek ndei gwn bw!”

“Gwn duzngwz neix?”

“W! Lij miz duzbya hung ndeu

dem.”

Gou riu aenlamz riengz de byaij, ndaejgeiq ngoenzneix de youq henz dah gaenq camx ndaej duz bya he.

“Mwngz gvaq ndaej cwxcaih ha!”

“Hei! Ndaej gwn laeuj cij cwxcaih ne!”

“Miz nohngwz, miz nohbya, it-dingh aeu miz laeuj?”

“Deng! Miz byaek ndei wnggai miz laeuj ndei dem, gou gaenq cawx ce lo.”

“Aulungzgveiz, daiq gou lij heuh gou soengq gaiq gau he hawj mwngz ne!”

“Caen lwi? Youq gyawz?”

“Youq ndaw lamz neix.” Gou baez riu aenlamz hwnjdaeuj: “Lij miz song geu buhvaq dem.”

“Hix soengq hawj gou?”

“W!” (caengz sat)